

# Manmin nga mga Balita

NO. 47 NOBYEMBRE 2, 2014



## “Kon Mag-ampo ka, bisan pag unsay imong Problema, kana dili Problema!”

### Ang Manmin Prayer Center sa Special Daniel Prayer Meeting



Human nga ang tawo modawat ni Hesu Kristo og makaangkon sa katungod nga mahimong anak sa Diyos, makaangkon sila sa abilidad sa pag-ampo. Sa pag-ampo, ang problema dili na problema.

Sa dihang si Haring Hezekiah duol na sa kamatayon ang iyang kinabuhi napanalangin nga mapun-an pa tungod sa pag-ampo. Si Elijah nakadawat sa tubig sa uwan taliwala sa grabing hulaw pinaagi sa matinguhaong pag-ampo. Sa pagpakig estorya sa Diyos didto sa Patmos Island, si Apostol Juan nakadawat og timailhan sa pagtapos sa panahon. Sa walay hunong sa pagka manginitong pag-ampo sulod sa 32 katuig, ang Manmin Central Church nagwali na sa kalibotan sa pagkabalalan sa ebanghelyo.

Septembre 29 hangtod Nobyembre 9, 2014 ang doble nga sesyon sa sunod sunod nga Special Daniel Prayer Meeting sa Manmin Prayer Center nagpadayon sa tema nga ‘whole spirit’, basi sa Hebreo 10:22. Kini saktong panahon nga ang Manmin-members makakuha og higayon aron makabarog sa

lig-on nga pagtoo og makasulod sa espiritu, sa tibuok espiritu sa epektibong paagi pinaagi sa gahum sa Espiritu Santo.

Ang Daniel Prayer Meeting magsugod 9:00 pm (oras sa Korea) human sa 20 minutos nga pasionang pagdayeg sa performing-teams, magpadayon kini hangtod 11:40 pm lunes-huwebes og 11 pm pagtapos sa semana (sa Biyernes naay Friday All-night Service). Gipangunahan sa Center President Mrs. Boknim Lee, ang mga miyembro mag-ampo para sa gingharian sa Diyos og sa Iyang pagkamatarong. Kaduha sa matag tuig, ang center maghimo og Special Daniel Prayer Meeting sa duha ka sunod sunod nga higayon sa ingon ana aron motubo ang espirituwal nga bahin.

Ang Center naay Morning Service og Prayer Meeting sa hapon para niadtong gusto sa lihok sa sagradong kaayohan o pag sulbad sa mga problema atol sa semana; ang Divine Healing Meeting himuon katapusang semana matag bulan ang Special Prayer Meeting para sa mga masakiton kada ika-2 bulan.

Sa miting, ang mga miyembro moguba sa paril sa sala batok sa Diyos, diin ang ilang problema ma sulbad og magpakabuhi sila sa bag-ong kinabuhi. Daghan ang mga nangaayo sa mga sakit sama sa kanser, cerebral-hemorrhage, cardiac diseases, epilepsy, arthritis, asthma, og daghan pang mga grabing sakit, naayo pinaagi sa gahum sa Diyos.

Brother Minsu Lee, 63 anyos, nga nakalahutay sa stage 4 sa ‘nasopharynx cancer’ nag-ingon, “Naa koy 5.5 cm big mass sa akong ilong og ang tumor nikatag na sa akong lymph node, cervical vertebral, spinal cord, abaga, og isol. Sa dihang akong nadawat ang pag-ampo ni Dr. Lee, nakabati ko og init gikan sa akong ulo hangtod sa likod. Unya, ang kasakit nawala og nigamay ang tumor. Human ato, naghinulsol ko pag ayo atol sa Divine Healing Meeting, nga wala ko motuo sa Diyos og nagpakabuot sa kalibotanhong mga butang. Akong nabati ang kainit sa akong tibuok lawas og nag anam ko og kaayo kada ampo ni Mrs. Lee. Nakadawat nasad ko sa pag-ampo ni Dr. Lee.

Unya, nagpa check-up nasad. Nakita nga nawala na ang tumor sa akong ilong og ang lymph node natanggal na gyud!”

Deconesa Jiwon Lee (45 anyos) nag-ingon, “Sayo sa tuig 2014 ang koko sa akong tudlo nagsugod og kalata. Nitambong ko sa miting sa Prayer Center sulod sa 3 ka semana. Si Presidente Lee nitambag nga maghalad ko og vowed prayer panahon sa Special Daniel Prayer Meeting nga pagahimoon niadtong umaabot nga Marso. Nigahin ko og higayon og nihalad og 42 ka adlaw’ng vowed prayer uban ang pagpuasa sa gabii. Matinguhaon kong naghinulsol uban sa iyang mensahe. Sa dihang iyang kong giampoan, nabati ko ang kalayo sa espiritu nga niinit sa akong tibuok lawas. Akong nadawat ang kalayo kada gabii. Unya ang akong koko naayo og nitubo pagbalik nga normal.”

Deconesa Eunsuk Kim (34 anyos) naayo sa depresyon og ni ingon, “Samtang naminaw sa mga mensahe ni Dr. Lee, akong nahunahuna nga ang problema naa ra nako. Nag-ampo ko og

nangayo’g tabang sa Diyos nga Iya kong tabangan sa paghinulsol pag ayo og niingon ko nga gusto gyud kong maghinulsol sa Daniel Prayer Meeting kada gabii. Sa matag higayon ang kalayo sa Espiritu Santo moabot nako og makahinulsol ko pag-ayo gikan sa akong dughan. Human sa pag-ampo maligo ko sa singot, apan nagmalipayon ko og nakaangkon og kalinaw. Karon naayo nako.”

Si Hesus niingon sa Mateo 7:11 “Kon kamong mga daotan kahibalong mohatag og maayong butang ngadto sa inyong mga anak, unsa pa kaha ang inyong Amahan nga atua sa langit?” Ang Diyos nahibalo sa mga panghitabo sa Iyang mga anak og gustong mohatag sa pinaka nindot nga butang ngadto nila. Dako kaayong panalangin nga ikaw nag-ampo ngadto sa maayong Diyos. Kini nga grasya anaa sa Daniel Prayer Meeting kada adlaw.

Ang Daniel Prayer Meeting aktuwal nga gisibya pinaagi sa [www.manmin.org](http://www.manmin.org) og [www.gcn.org](http://www.gcn.org), aron ang tanang miyembro sa tibuok kalibotan maka dungan og pag-ampo.



Senyor Pastor Dr. Jaerock Lee

## “Ayaw kamo Pagsimba og Lain nga Diyos-diyos Gawas Kanako”

“Ang Diyos misulti og mao kini ang giingon, ‘Ako ang Ginoo nga inyong Diyos nga nagkuha ninyo gikan sa Ehipto diin kamo naulipon. Ayaw kamo pagsimba og lain nga diyos gawas Nako.’” (Exodu 20:1-3)

Ang mga anak sa Diyos kinahanglang motuman sa Napulo ka Sugo bisan pag dili sila makahinumdom sa tanang 66 ka mga libro sa Bibliya. Ang 10 ka puntos gihatag sa Diyos sa Iyang mga pinaggang anak pinaagi ni Moises. Kini maoy kasubayan sa tanang Pulong sa buhi nga Diyos og maoy nagsilbing tigbayan sa Bibliya.

### 1. Napulo ka Sugo: Ang mga magtuto kinahanglang magbaton og motuman

Sa sama nga naay balaod ining kalibotana nga kinahanglang atong sundon, naa say balaod niadtong nidawat ni Hesu Kristo og nahisakop sa Diyos nga kinahanglang batonan.

Ang balaod nagpasabot sa mga sugo sa Bibliya. Gibahin kini sa upat ka kategoriya: “Himuon”, “Dili Himuon”, “Batonan”, “Ilabay.” Kung makatuman ta ini magpabilin tang ubos sa proteksyon sa Diyos og si satanas dili makahatag og mga pagsulay nato. Kon dili ta motuman makasala ta og mao kini mobutang nato sa gahum sa sala og ni satanas nga mosangpot sa Impeyerno.

Ato gyung sabton nganong gihatagan ta sa Diyos ining maong mga sugo og giingnan nga patumanon. Kini gihatag sa Diyos dili pasabot nga aron magkalisod lisod ta, apan Iya ning gihimo aron kita magiyahan paingon sa Langit nga walay kasakit, luha, kamatayon og walay mga sakit. Ang Iyang mga sugo makahatag sad natog kalipay sa bulahang kinabuhi ining kalibotana. Ang uban moingon, “Unsaon sa tawo pagtuman sa 10 ka sugo? Mahimo lang tang mosulay sa paghimo ini.” Apan sa 1 Juan 5:3 mabasa, “Kay ang ilhanan nga gihigugma nato ang Diyos mao ang pagtuman sa Iyang mga sugo. Og dili lisod tumanon ang Iyang mga sugo.”

Kon nahigugma ta sa usa katawo bisan pag mangayo siyag dakong pabor, malipay gihapon tang motabang niya. Mao sad, uban ang tinuod nga gugma para sa Diyos dili lisod ang pagtuman sa Iyang mga sugo. Gani ang mga butang dako kaayong kalahian

nato karon sa Bag-ong Kasulatan og sa mga tawo sa Daang Kasulatan nga maningkamot sila sa pagsunod sa mga sugo sa ilang kaugalingong kusog og tinguha.

Si Hesus milukat nato sa atong mga kasal-anan pinaagi sa pagpalansang, og katong motoo ini og modawat ni Hesu Kristo makaangkon sa Espiritu Santo og sa Iyang tabang.

Ubos sa gahum sa Espiritu, mahimo nato ang mga butang nga dili nato mahimo kon ubos lang sa atong kusog og abilidad. Kon ang Pulong sa Diyos, ang matuod, naa kanato, dili ta makasala og mabuhi ta diha sa matuod.

### 2. Ang Diyos Magbubuhat, Manluluwas og Bathala

Exodu 20:1-3 mabasa, “Ang Diyos misulti og mao kini ang giingon, ‘Ako ang Ginoo nga inyong Diyos nga nagkuha ninyo sa Ehipto diin kamo naulipon. Ayaw kamo pagsimba og lain nga diyos gawas Nako.’”

“Kamo” ining bersikulo ha nagtumbok ni Moises og sa mga Israelita nga nakadawat sa pulong. Labot pa, karon kini nagpasabot sa tanang mga anak sa Diyos. Wala lang Niya luwasa ang mga Israelita nga naulipon didto sa Ehipto apan kita nga naulipon sa sala giluwasa sad Niya. Mao nga isip mga anak sa Diyos, gikinahanglan nga kita wala nay lain nga diosdios apan Siya ra.

Ang Diyos ray atong bathala nga buhi og makagagahum, nga maoy naghimo sa Langit og sa tanang butang sa kalibotan. Siya ang master sa tanang butang: sa kasaysayan sa katawhan; sa kinabuhi, kamatayon, kaayo, og kadaotan sa tawo; og minghatag Siya nato sa tinuod og eternal nga kinabuhi. Apan ang mga kalibotanhong tawo nagsimba sa mga diosdios nga walay pulos, nga maoy hinungdang mipahimulag nila sa Diyos. Ang uban nisimba sa solar deity, Polaris, dagkong bato o daan nga mga kahoy, o sa mga hayop nga wala may bisan usa ining makahatag og panalangin nila og dili makaluwas.

Sa Roma 1:20 mabasa, “Sukad nabuhay sa Diyos ang kalibotan tin-aw kaayo nga nakita diha sa mga butang nga gibuhay sa Diyos ang iyang dili

makita nga mga kinaiya nga mao ang iyang gahom nga walay kataposan og ang iyang pagkadios. Busa wala na silay ikapangatarongan pa.” Ang gahum sa Magbubuhay klarong makita sa tanang butang nga nakapalibot nato, og kini ebidensya nga usa ray nagbuhay.

Ang tanang porma og gamit sa parti sa lawas sa tawo manag pareho. Ang tanang tawo naay 2 ka mata og 2 ka dunggan, usa ka ilong og baba. Og bisan ang nahimotangan pareho. Mao sad sa mga hayop. Kini nagsulti nato nga usa lang ang Nagbuhay. Naa pay daghang natural nga nagpamatuod sa Diyos Magbubuhay.

Ang kalibotan nagtuyok og mao kini ang hinungdang naay adlaw og gabii; 4 ka klase sa panahon; paghunas og taub; ang pagtuyok sa panahon. Daghang celestial bodies nga gipahimutang og molihok kini aron mahatagan og maayong palibot ang mga tawo og ubang may kinabuhi aron sa pagpadayon og pakabuhi ining kalibotana. Ang adlaw og ang kalibotan naglihok sa insaktong paglihok og gilay-on sa dugay nang panahon, nga walay bisan usa nga sayop.

Kini posible tungod kay ang kalibotan og ang tanang butang niini gihimo, gidesinyo og gipahigayon ubos sa kalaam sa Diyos. Ang Diyos Magbubuhay nihimo sa tanan og nagpahigayon sa tanan uban sa Iyang gahum. Tungod ining klaro nga mga kamatuuran, walay makahatag og rason sa kataposang Adlaw sa Paghusga og moingon nga “Wala ko mahibaw nga naa diay Diyos.”

Sa kasaysayan, ang ubang tawo niila sa magbubuhay og nisunod sa maayo, bisan pag wala sila makadungog sa ebanghelyo. Admiral Yi Sun-shin sa Joseon nga kaliwatan, permi nagsunod sa maayong paagi og nangalagad ra gyud sa Diyos. Wala siya mahibalo sa Diyos o sa Ginoo, apan wala siya mosimba sa ‘exorcist’ o mga diosdios nga walay pulos. Ubos sa iyang maayong konsensya, mohangad lang siya sa langit og ang Diyos ra gyud ang iyang gikahadlok.

Ang Diyos sa hustisya niabli sa dalan sa kaluwasan ining klaseha sa tawo, pinaagi sa gitawag nga “paghusga sa konsensya” mabasa sa Roma 2:14-16.

Katong mga tawo sa Daang Kasulatan og katong wala makadungog sa ebanghelyo og wala mahibalo sa balaod sa Diyos, kon nisunod sila sa ilang maayong konsensya og nitoo sa Diyos, Iyang giabli ang dalan sa kaluwasan para nila.

### 3. Ang rason nganong ang Diyos nag-ingon nga dili mosimba og laing diosdios gawas Niya

Ang ubang magtutoo nidangup o nagsilbi sa mga diosdios. Moadto sila sa mga mananag-an o mosalig sa barang o ‘magic’. Ang uban naa gani mga pampa swerte o anting-anting. Ang uban moapil sa seremonyas sa mga Hentil nga relihiyon nga magsimba sa diosdios. Unya moingon sila nga mas mapuslanon og moantos sila sa pagsimba. Ang ubang dili magtutoo moingon, “Ang Kristiyanismo motudlo sa mga tawo sa pagtoo sa usa ra ka Diyos. Unsa ka baliko?”

Ang Diyos usa ra og Siya ang Magbubuhay, og wala nay lain pang makahatag nato sa mga grasya og kinabuhi. Ang batok kaniya mao ang walay pulos nga diosdios nga gisimba sa mga tawo. Sila nahisakop sa kangitngit gikan ni satanas nga kaaway sa Diyos. Si satanas mogiya sa kadaotan og modala ngadto sa kalaglagan.

Mao nga kon naa kay diosdios, bisan pag moingon ka nga nitoo ka sa Diyos, naa permi nimo ang mga pagsulay sa kinabuhi og mag antos ka sa kasubo, kasakit og mga balatian. Ang Diyos sa gugma dili gusto nga kita paingon sa kalaglagan pinaagig pagsimba sa mga diosdios, mao nga gisugo ta Niya nga dili magsimba og laing dios. Gusto Niya nga kita makabaton og kinabuhing dayon og magpakabuhing bulahan ining kalibotana pinaagi sa pagsilbi Niya.

Mahal nga kaigsoonan diha ni Kristo, imong nakita, nadungog, og na eksperyensya ang mga ebidensya sa buhi nga Diyos. Gi awhag ko ikaw sa walay puas nga pagsilbi og pagsalig sa Diyos nga maoy naghimo sa tanang butang og nag kontrola niini. Ako mag-ampo sa ngalan sa Ginoo nga sa pagbuhay ini ikaw mag malipayon sa daghang panalangin isip Iyang anak.

### Ang Pag-angkon sa Pagtuo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipyat.
2. “Manmin Central Church” nagatuo sa panaghiusa’ng lihok sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-

anan pinaagi lamang sa dugo ni Hesu Kristo.

4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtuo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginahawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

**Manmin** nga mga **Balita**

Published by Manmin Central Church

Bisayan

29, Digital-ro 26-gil, Guro-gu, Seoul, Korea, 152-848  
Tel: 82-2-818-7047 Fax: 82-2-818-7048  
http://www.manmin.org/english / www.manminnews.com  
E-mail: manminministry@manmin.org  
Publisher: Dr. Jaerock Lee  
Managing Editor: Geumsun Vin

# Pag-ampong Mainiton

Ang Magtatabang, ang Espiritu Santo, nagpuyo sa dughan sa mga magtutoo. Siya nagtudlo nato unsay buot sa Diyos sa tanang panghitabo og mangamuyo para nato. 1 Corinto 2:10 nag-ingon, "...ang Espiritu nagsusi sa tanang butang, bisan pa atong labing natago nga mga katuyoan sa Diyos." Roma 8:27 mabasa, "Og ang Diyos nga nasayod sa dughan sa mga tawo, nasayod unsay gihunahuna sa Espiritu; kay ang Espiritu mangaliyupo sa Diyos alang sa iyang katawhan sumala sa iyang kabubut-on."

Sa nahisulat, kon atong dawaton ang giya sa Espiritu Santo mahatag ang klase sa pag-ampo pinasubay sa kabubut-on sa Diyos. Kon kita, ma impluwensyahan og mapuno sa Espiritu, ang atong lawas og dughan manginit og ang atong nawong mosilaw sa kalipay. Atong kaykayon unsaon pag-ampo nga mangiiniton diha sa kapuno sa Espiritu pinasubay sa kabubut-on sa Diyos.



## Una, dili nimo gamiton ang imong hunahuna atol sa pag-ampo

Uban sa imong hunahuna, maglisod ka og kapuno sa Espiritu Santo. Mahimo kang maghunahuna panahon sa imong pag-ampo nga 'Maglaum ko nga tubagon sa Diyos ang akong mga pag-ampo og iya kong panalanginan ini-og-ana.' Apan mahimo hinuon kining disturbo sa lihok sa Diyos nga gustong mohatag dayon sa tubag.

Tungod ini, mas maayo nga mag-ampo ka nga imong isalig sa kamot sa Diyos ang tanan. Mao ang pagtugot sa tanang mahitabo ubos sa Iyang paagi og kabubut-on. Magdahum sad ka nga makadawat sa tubag sa panahon nga gigahin sa Diyos. Palapdi ang imong pag-ampo nga dili limitahan sa imong hunahuna. Dinhi imong dali nga madawat ang tubag.

Makahalad ka og makusganong pag-ampo diha sa dughan sa Diyos pinaagi sa pag-ampo nga puno sa Espiritu, bisag unsa pay imong giampo. Apan uban sa imong kaugalingong hunahuna makaampo ka nga walay kalabotan sa spiritual-flow nga hinatag sa Diyos o tingali mag-ampo ka lang nga dili makapahimuot sa Diyos. Mao nga dili ka makadawat sa kapuno sa Espiritu. Mao nga, pag-ampo nga mahiusa diha sa Espiritu Santo dili sa imong hunahuna.

Mateo 18:19 nag-ingon, "Og sultihan ko kamo: kon duha ninyo dinhi sa yuta magkauyon sa pagpangayo bisag unsang butanga, kini ihatag kaninyo sa akong Amahan nga atua sa Langit." Kon 'duha' kaninyo magkauyon, kana nga, ikaw nahiusa sa Espiritu og nag-ampo sa iyang kapuno, imong daling madawat ang tubag sa imong pag-ampo.



## Ika-2, imong palayason ang daotan sa imong dughan

Kon imong palayason ang daotan sa imong dughan, mas maka-ampo kang mainiton. Tinuod, bisan og dili pa ka balaan og naa pa gihapoy mga daotan, kon imong mahunahuna ang imong pagkadaotan sa dihang ipaila kini diha nimo og imong basolan, dili kini mahimong paril sa sala nga batok sa Diyos og maka-ampo ka nga mainiton.

Apan ang ubang tawo dili moangkon nga sila daotan bisan og ang daotan klaro na kaayong makita. Pananglitan, imong sulayan sa pagbuhat ang imong katungdanan apan imong giguba ang kalinaw ngadto sa ubang tawo tungod kay para nimo ikaw maoy insakto, mas komportabl, og mosulti ka og dili maayong mga pulong ngadto sa nakataas nimog posisyon. Apan wala ka maghunahuna nga daotan kini og mo ampo. Unya ang imong pag-ampo dili makaabot ngadto sa Diyos. Og ang Espiritu dili maka lihok para nimo og dili ka maka-ampo ubos sa Iyang kapuno.

Kon mag-ampo ka nga wala masusi ang imong pagkadaotan, ang Diyos dili maminaw og dili ka makadawat sa tubag gikan Niya. Panultihon 15:29 mabasa, "Patalinghogan sa Ginoo ang matarong, apan dili niya tagdon ang mga daotan." Sa Panultihon 15:7, "Malipay ang Ginoo kon mag-ampo ang mga matarong, apan gidumtan Niya ang mga halad sa mga daotan." Salmo 66:18, "Kon gitipigan ko pa ang akong mga sala, dili unta mamati nako ang Ginoo."

Mao nga, mag-ampo gyud kang mailhan ang imong mga sala og imo gyud ning palayason. Kay kon imo kining buhaton makahimo ka sa pag-ampo nga puno sa Espiritu Santo. Sa pag-ampong mainiton uban sa Iyang tabang, imong daling mapalayas ang mga bakak sa imong dughan.



## Ika-3, mag-ampo gyud ka para sa simbahan, sa magbalantay, og sa mga kalag uban ang dughan og gugma

Mag-ampo gyud ka para sa gingharian sa Diyos uban ang dughan, pagtoo, gugma, og tinguha. Kong mag-ampo ka, imong susihon kung wala ka ba maghunahuna sa mga butang nga walay pulos. Mag-ampo gyud ka uban ang gugma, og imong susihon kay basig mas nag-ampo ka sa ubang butang kaysa para sa Iyang gingharian.

Kon mag-ampo ka para sa mga kalag, kinahanglan nga naa kay dughan isip magbalantay nga gustong mogiya bisan sa usa ka kalag ngadto sa kaluwasan. Imo sang sabton kung unsoan pag-ampo sa magbalantay para sa panon og unsang klase sa dughan nga nag-ampo para sa gingharian sa Diyos og mag-ampo kang naay dughan nga sama niini. Ayaw pag-ampo nga sa imong lang hunahuna og dughan, apan kinahanglan imong tugkaron ang kasingkasing sa Diyos, sa Ginoo, og sa magbalantay, og pag-ampo uban ang Iyang kasingkasing aron ang imong mga pag-ampo makapahimuot sa Diyos.

Mag-ampo gyud ka nga ang mga kalag dili masugamak sa mga tentasyon ining kalibotana nga puno sa sala og daotan, og mangayo sa pag-ampo sa dughan sa magbalantay aron dili makahimo og mga sala. Mag-ampo gyud ka uban ang dughan sa magbalantay nga mangaliyupo bisan sa kalag nga nana ngilit sa kamatayon aron mahatagan sa dalan sa kaluwasan.

Kon mag-ampo ka uban ang pagtoo og gugma, kini humot nga mangalisngaw ngadto sa Diyos. Sigon sa imong pagkamatinguhaong nag-ampo, kung nag-ampo ka uban ang pagtoo og gugma, og unsa ka matinguhaon ang imong pag-ampo, ang imong grasya sa langit ma tino.



# “Ang lihok sa gahum diha ni Dr. Jaerock Lee nindot kaayo”



Brother Alain Lubamba, 44 anyos, miyembro sa National Assembly sa DR Congo

Nidawat ko ni Hesu Kristo pinaagi sa programa sa radyo niadtong nag-college pa ko. Pinaagi sa grasya sa Ginoo nagtrabaho ko isip NGO-representative og head sa eastern DR Congo, Vice-minister sa Foreign Affairs, og unya Vice-Minister sa Finance Department. Sugod 2011, nagtrabaho ko isip miyembro sa National Assembly sa DR Congo.

Wala madugay niadtong nahimo kong Vice-Minister sa Foreign Affairs sa tuig 2006, naapil ko sa sayop nga balita sa simbahan nga akong gitambongan. Nahibulong ko, dismayado, wala na tagda og nihunong nalang pag simba. Sa balay nalang mag ampo. Pebrero 2006 nakakita ko sa krusada

ni Dr. Jaerock Lee sa among nasod, og dako kaayo kining kalihokan. Nagtan-aw ko pinaagi sa live-broadcasting sa TV og nakadawat og daghang grasya.

Pebrero 2014, nakaagi ko sa Kinshasa Manmin Holiness Church samtang nag-drive. Nihunong ko og nibasa sa pahibalo diha sa pultahan sa simbahan. Ang maong simbahan sanga diay sa simbahan nga gipangalagaran ni Dr. Jaerock Lee nga maoy naghimo sa krusada! Na atrak ko ining simbahana og nibisita ko paglabay sa mga adlaw. Sunod nako nga pagbisita, natandog kaayo ang akong dughan og gidasig nga mo simba.

Marso 2014, nitambong ko sa worship-service sa Kinshasa Manmin Holiness Church uban sa akong pamilya. Si Pastor Jacob Lee, maoy nangalagad sa simbahan, nipaila ni Dr. Jaerock Lee og sa pagpangalagad sa Manmin og iya kong gihatagan sa libro ni Dr. J. Lee ang *The Measure of Faith*. Pagbasa nako akong nakat-onan nga naay unodnon og espirituwal nga pagtoo og ang matag usa mopuyo sa nagkalain laing puloy anan sa Langit. Nahibulong kaayo ko ini og akong nahunahuna nga gamay ra kaayo ang akong pagtoo.

Pinaagi sa libro ni Dr. Lee nga *Heaven I & II*, ako sad nakat-onan ang Paraiso, ang pinaka ubos nga puloy anan sa langit og ang “New Jerusalem” ang pinaka nindot. Sa pagsabot ining dakong kalahian naikag kaayo ko og nadasig. Human ana nagtinguha ko sa pagpakabuhì sa Pulong sa Diyos og nag ampo

sa pagtubo espirituwal. Maghunahuna ko sa Pulong sa Diyos sa dili pa ko mosulti og mobuhat. Ang akong batasan og kaalam gibag-o pinaagi sa Pulong sa Diyos, nga maoy niusab sa akong sinultian og linihokan.

Ang dakong kausaban nahimo sad sa akong pamilya. Abi nako og malipay lang sila kung ako magsige lag pagpangita og kwarta para nila, mao nga dili ko mokuyog og mobakasyon sila. Apan sa unang higayon nikuyog ko nila og silang tanan lipay kaayo. Dili nako makig lalis sa akong asawa og maghisgot na hinuon mi sa Pulong sa Diyos. Og amo sad hisgotan ang giwali kada human og simba og amo kining gibutang sa dughan.

Agosto 2014, ang akong balay sa U.S hapit mapanag iya sa ubang tawo. Apan nagpabilin kining ako tungod sa pagdawat sa pag ampo ni Dr. Lee gamit ang panyo sa gahum (Buhat 19:11-12). Og human sad sa pagdawat sa pag ampo alang sa kaayohan pinaagi ni Senyor Deconesa Insuk Yoon, asawa ni Bishop Dr. Myeongho Cheong (Nairobi Manmin Holiness Church), ang kasakit tungod sa “hernia” nga naghasol nako sulod sa 2 ka tuig nawala.

Ang gahum sa Diyos nga gipakita diha ni Dr. Lee kahibulongan gyod! Manghinaot ko nga ang among nasod molambo ubos sa kabubut-on sa Diyos og sa gugma sa Ginoo. Akong daygon og pasalamatang ang Diyos.

## “Ang Diyos niayo nako sa mga sakit lakip na sa hepatitis-B!”



Deconesa Hyangsoon Kim, 51 anyos, Gwangju Manmin Church, South Korea

Tuig 1998, paingon sa prayer-center sa Mt. Mudeng sa Gwangju nakabasa ko og pahibalo sa ika-6 nga Special Revival Meeting ni Dr. J. Lee. Si Deconesa Hyunju Heo, (karon tua sa Yeosu Manmin Church) nihatag nako sa una og libro nga *Tasting Eternal Life before Death*. Didto sa pahibalo nga akong nabasa giingon nga ang tagsulat ining libroha maoy mohimo sa maong miting! Ni adto ko sa Gwangju Manmin Church og niapil sa

miting pinaagi sa video service. Nakadawat ko og daghang grasya.

Nagpa rehistro ko sa Gwangju Manmin Church nga giminstiran ni Pastor Hyeongryeol Park. Sa wala madugay, naayo ko sa “chronic otitis media” nga naa nako sulod sa 7 katuig sa dihang among nakita si Dr. Lee og iya ming giampoan uban ang mga miyembro sa simbahan. Human sa pag ampo nanginit ang akong lawas og naayo ko. Nisunod ang akong pagka ayo sa hepatitis B. Natawo ko nga naay hepa mao nga usahay mag antos ko sa kasakit sa ulo, mata og magsuka. Permi kong kapoyon og dili komportablì mao nga dili sayon para nako kon wala permi sa balay. Apan ang tanan nga mga sakit nawala og wala na sad ko magsuka.

Naa sad koy problema sa tuo nga bat-ang gikan pa sa akong pagkatawo. Sa edad nga 4 nahulog ko og sugod ato ang akong bat-ang magsakit og magtakiang ko. Nagtubo ang akong tuo nga paa nga dili normal og dili gyod komportable. Kataposan sa 2012, nagsakit gani ang akong kiting og tuhod mao nga magsungkod nako.

Dili ko makatulog tungod sa sakit apan nagsalig ra gyod ko sa Diyos. Og nakaangkon ko og kasiguroan nga maayo. Mayo 17, 2013, nakadawat ko sa pag ampo ni Dr. Lee. Sa kalit lang nawala ang

sakit og makalakaw nako nga wala na magsalig sa sungkod. Ang tanang kakapoy nawala og kompleto kong naayo sa hepatitis B. Halleluyah!

Elder Jeongseon Mun, akong bana, naayo sad sa “lethargy” og “low blood pressure”. Karon nagtrabaho siya sa Seoul Joongang Asset Inc. sa Honam isip sales-support manager og nagdawat sa daghang grasya. Malipayon ming maghatag sa Diyos og mga halad. Karon solowista ko og ang akong bana ‘conductor’ sa choir sa simbahan. Akong ihatag ang tanang pasalamat sa Diyos nga nitugot nga kita maghimaya Niya.



[Test sa Serum]  
Sa Wala pa ampo-i : Antigen-positibo sa hepa B  
Human sa pag ampo : Antigen-negatibo sa hepa B

### Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Patato St, J-Figuera Sampaloc, Manila, Pilipinas Pastor Peter Bae Pastor Lucy Lee 2-735-1423	067 Daang Bago, Dinalupihan, Bataan, Pilipinas Pastor Peter Bae 0910-262-5465	Purok 3, Brgy, San Roque, San Mateo, Isabela, Pilipinas Pastor Peter Bae Pastor Lucy Lee 0905-649-1120	5 Lot 33 Bk 1, Canutuhan (tenant), Santiago Gen.Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Pilipinas Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714